



Claudii Fleurii Abbatis Historia Ecclesiastica

Ab anno Christi 1546. usque ad annum 1549

Fleury, Claude

August. Vind. [u.a.], 1770

VD18 90118529

§. 70. Alii articuli circa Prædestinationem examinati.

[urn:nbn:de:hbz:466:1-66608](#)

V. Liberum arbitrium a Deo impulsum nullo modo cooperatur, sed sequitur, sicut instrumentum inanimum, aut vero animal irrationale.

VI. Deus, quos sibi videtur, convertit, etiamsi nolint, & recalcitent.

Primi duo articuli omnium suffragio tanquam in Deum Blasphemi, ac jam pridem ab Ecclesia in Manichæis, Priscilianistis & Wiclefistis damnati, fuere proscripti: circa tertium vero, æque ac quintum, & sextum quædam suborta est contentio.

§. LXX.

Alii articuli circa Prædestinationem examinati.

Tandem Patres ad examinandam Protestantium doctrinam circa prædestinationem progrediebantur, atque ex Zwinglii Sectatorum libris circa hoc argumentum septem articulos extraxerunt, quorum primus erat. *In prædestinatione & reprobatione nullæ sunt partes hominis, sed solius divinæ voluntatis.*

II. Prædestinati non possunt damnari, neque reprobi salvari.

III. Soli Electi, & prædestinati vere justificantur.

IV. Justificati tenentur per fidem credere, se esse e numero prædestinatorum.

I 2

V.

Sæcul. XVI. V. *Justificati non possunt amittere gratiam.*
A.C. 1546.

VI. *Qui sunt vocati, neque tamen numero prædestinorum, nunquam accipiunt gratiam.*

VII. *Justificatus tenetur credere per fidem, quod ad finem usque in justitia sit perseveraturus, item, ubi exciderit gratia, ad eam recuperandam redditurus.*

Primum articulum plures Theologi Orthodoxæ fidei consonum, adversam vero ejus doctrinam omnino hæreticam censebant, e quod, D. Thomas, ac Doctorum quamplurimi tradant, quod Deus ante mundi fabricam ex universa massa generis humani per solam, meramque suam misericordiam nonnullos elegerit ad gloriam, quibus efficacia media præparavit ad eam obtainendam, quod dicitur prædestinare. Horum numerus, inquietabant, est certus & determinatus, neque incrementum admittit: ceteri, quos non prædestinavit, non habent, quod querantur, quando Deus his quoque auxilium sufficiens præparavit, licet revera alii, quam electi salutis effectum non sint consecuti. Rationem validissimam afferebant e D. Paulo ad Romanos, qui Jacobum in exempla prædestinorum, & Esavum reprobatorum citans, profert ipsum ea de re Dei Decretum, antequam nascentur, pronunciatum, non ex operibus, sed secundum merum ipsius beneplacitum. Dein adjun-

adjungebant ejusdem Apostoli similitu-Sæcul. XVI.
 dinem; sicut *figulus ex eodem luto format* A.C. 1546.
unum vas ad honorem, & aliud ad ignomi-
niam, sic Deus ex eadem hominum massa,
quos sibi visum erat, elegit, aliis neglegit,
præterea etiam D. Paulus ad id confirmam-
dum citavit verbum Dei ad Moysen, mi-
serebor, cuius miserturus sum, & mi-
sericordiam præstabo, cuius miserebor.
Idemque concludit, non esse igitur volen-
tis, neque currentis, sed miserentis
Dei: Item Deum misereri, cuius vult,
& quem vult, indurare. Addebat in-
super, hac ratione consilium divinæ præde-
stitutionis & reprobationis ab eodem Apo-
stolo vocari altitudinem, & profundita-
tem sapientiae impenetrabilem & incor-
ruptibilem: citabantque ex aliis Epistolis;
nihil nos habere, quod non accepimus:
nos nec ad bene cogitandum quidem ex
nobismet ipsis esse sufficietes. Tum
ubi caussam reddit, cur alii excidant a fide,
aliis permanentibus firmis, hanc assignat,
quod firmum stet Dei fundamentum, ha-
bens hoc signaculum, novit Deus, qui
sint ejus. Multa denique afferebant ex
Evangelio D. Joannis, & prope innu-
mera ex divo Augustino, qui quidem vir-
sandus ætate grandis in favorem hujus do-
ctrinæ plurima scripserat. Non deerant
tamen Theologorum nonnulli, qui
Prædestinationis caussam hominis con-

Sæc. XVI.
A.C. 1546.

sentientis voluntati adjudicabant, pri-
mamque sententiam velut nimis duram
rejiciebant.

§. LXXI.

Catharini sententia de Prædestinatione.

Pallav. l. 8.
c. 13. n. 2.
Sarpi l. 2.
p. 195.

Catharinus media via incedere vo-
lens sententiam suam his verbis
edixit: *Deus pro sua bonitate e cætu homi-
num paucissimos aliquot delegit, quos omni-
no salvare decrevit, eosque mediis potentissi-
mis, efficacissimis, quæque fallere non pos-
sunt, instruxit. Ceteros omnes vult qui-
dem salvos fieri, atque huic fini media om-
nibus sufficientia præparavit, sed penes ip-
pos reliquit, ea vel accipiendo salvari, vel
rejiciendo damnari: horum vero duo sunt
genera: alii, qui ea recipiunt, & salvi
funt, licet ex electis non sint, eorumque
magnus est numerus; alii, qui abnuunt co-
operari Deo, qui eos salvos cupit, proin-
deque damnantur. Causa prædestinationis
primorum, est sola divina voluntas, alio-
rum, acceptatio, ususque auxilii divini,
& cooperatio etiam a Deo prævisa; causa
vero reprobationis ultimorum prævisa a
Deo perversa ipsorum voluntas, in repudi-
ando Dei auxilio, aut eodem male utendo.
D. Joannes, D. Paulus, & omnes Scri-
pturæ loci ab adversa parte allegati, quibus
totum*